

اندوه من تپيدنه پنداره ايرجه
• غروش کوندر لمليدر .

مکتوبلرک امضاری واضح
واوقوناقلی اولسی وآبونه
صره نوسروسی محتوی
بولونسی لازمدر

ممالک اجنیه ایچون آبونه
اولانرک آدرس لرینک
فرانسجه یازلسی رجا اولنورده

پاره کوندرلدیکی زمان نهیه
دائر اولدینی بیلدیرلسی
رجا اولنور

آبعون اهدکم سییل الرشاد

کتابخانه

شماره ۱۳۳۰۵۵۱۵۵

صاحب و مدر
اشرف ادیب

باش محرر
محمد خاکف

والله یهدی من یشاء الی صراط مستقیم

آبونه قیرطی : هر پر ایچون
سنه لکی (۴۰۰) آتی ایلی
(۲۲۵) ، ممالک اجنیه ایچون
سنه لکی (۴۰۰) ، آتی ایلی
(۲۵۰) غروشدر .

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنه
رشید افندی خاننده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدلهین
یازیر ااده اولماز .

مع مافیہ بوجہت ، مذہب شافعی بہ توافق ایڈیور . چونکہ امام مشارکہمک اجتہادینہ کورہ زنا ایله حرمت مصاہرہ ثابت اولماز . شو قدر وارکہ بواجتہاد حقنہ یک قوتلی ادلہ بہ استناداً فقہای عظام طرفدن اعتراضات ، سرد ایدلمشدر .

ضرب قانونلرینک بعضیلری ده زنا ایله مصاہرتک ثبوتی قبول ایتمکده در . نتا کیم آلمان قانون مدنیسنده « بری دیکرینک پدر ویا والدہ سیله ویا خود سائر اصول و فروعندن بریسیله مناسبات غیر مشروعه ده بولونمش اولان اشخاص یئنده نکاح عقد اولنه ماز . » دینلیور .

حرمت موقته بی موجب اسبابہ کنجہ بولزده کتب فقہیہ مزده بیان اولوندیغی وجهله طقوزدر : « حق الغیر ، جمع بین المحارم ، شرک ، لعان » بوجهلندره لایحه ایسه بولردن یالکیز اولکی ایکی سببی محتوی بولونمقده در .

قرآن داری

کچنده « قرآن ندر » سرنامہ سی آلتندہ یازدیغیم بر مقاله ده بو کتاب مقدسک انسانی الواح مختلفہ طبیعت اوزرینہ عطف لحاظہ استبصارہ ناصل دعوت وتشویق ایتدیکنی اجمالاً عرض ایلشم . بو خصوصی یرقاج مثال ایله بر آرز تفصیل ایتک ایسته یورم .

بیلورزک طبیعتک مک مهم بر مسئله سی خلقت بحشدر . عجا انسان نزمان ، ناصل ونیچون یارادیلشدر ؟ قرآن انسانک مبدأ خلقتی ایچون بر زمان تعیین ایتہ یور . بو خصوصیت ده ، اونک صحت مؤداسنه باشلی باشنه دلالت ایدجک بر حجتدر . قرآن بعض یرنده انسانک طوپراق ویا صودن ، بعض آیتلرنده ماء مهیندن ویا صلصالدن ، یعنی « قوری بالیقی » دن یارادیلدیغی خبر ویرمکده در . واقعا بو کون تجربه معلومزدرک انسان صلب پدردن رحم مادره دوشن بر قطره نطفه دن تکون ایتمکده در . فقط نطفه قاندن متولددر . قان ایسه کیلوسدن حاصل ماده لفاویه دن متکوندر . کیلوسک ده منشی کیموس اولوب بوده ییدیکنمز غدالک معده ده تصادف ایتدیکی میخانیکی و کیمیوی بعض معاملاتدن حاصلدر . غدانک ایسه صو ایله طوپراق سایه سنده حصوله کلدیکنی بیلمه یین وارمیدر ؟ احوالده انسان اصلاً طوپراق و صودن یارادلمش دیمکدر .

قرآن سلسله موجوداته داخل اولان هر شیئک بر حکمت وجودی اولدیغی کبی ، انسانک ده بوش یره و سببیز خلق اولونمادیغنی مکرراً بیلدیرمکده در . فقط نیچون خلق اولنمشز ؛ یالکیز طوغمق ، بو یومک و بو مقصدله ییوب ایچمک ونهایت بر ذریت بر اقوب اولمک ایچونمی دنیایه کایورز ؟ ایوا ، اگر ایش یالکیز بوندن عبارت اولسه یدی ،

نکاحک صحت ولزومنه حکم ایدیلدرک طرفینک زوجیت اوزره دوامی مشروع عد اولوناجقدر .

۱۰ — ماده : بر ارکک ایله بینلرنده قرابت نسبیہ بولونان ذی رحم قادیلرک نکاحی مؤبداً ممنوعدر . بوقادینلر درت صنفدر :

برنجیسی : ارککک والدہ سی وجده لری

ایکنجیسی : قیز اولاد واحفادی

اوجونجیسی : علی الاطلاق قیز قرده شلری وقارده شلرینک قیز اولاد واحفادی دردنجیسی : علی الاطلاق عملری وتیزه لیدر .

۱۱ — ماده : بر ارکک ایله بینلرنده رضاعاً قرابت بولونان قادیلرک زوجی ماده سابقه ده محرر ذی رحم محرم قادیلر کبی مؤبداً ممنوعدر .

۱۲ — ماده : بر ارکک ایله آره لرنده (مصاہرت) بولونان قادیلرک زوجی مؤبداً ممنوعدر . بوقادینلر درت صنفدر :

برنجیسی : کلینلردرک ارکک اولاد واحفادک زوجہ لیدر .

ایکنجیسی : قائم آنالردرک زوجہ سنک آناسی و علی الاطلاق جدہ لیدر .

اوجونجیسی : اوکی والدہ لردرک باباسنک و دده سنک زوجہ لیدر .

دوردنجیسی : اوکی قیزلیدرک زوجہ سنک قیزلری و زوجہ سنک اولاد واحفادینک

قیزلیدر . لکن بودوردنجی صنفده ممنوعیت ایچون زوجیہ تقریب ایتمش بولونمق لازمدر .

۱۳ — ماده : نسبا ویا رضاعاً یکدیگرینہ محرم اولان ایبی قادینی نکاحه جمع ایتک ممنوعدر .

۱۴ — ماده : باشقه سنک منکوحه ویا مقتمده سیله ازدواج ممنوعدر .

بو بش ماده احکام شرعیہ مزده موافقدر . شو قدر وارکہ احکام فقہیہ مزده نظراً نکاحی ممنوع اولان قادینلردن بر قسمتی احتوا ایتہ مکده در .

معلوم اولدیغی اوزره نکاحی حرام اولان قادیلرک لسان شرعه ده (محرمات) دینیر . حرمت ، اسبابنک دوام و عدم دوامنه بناء ایکی قسمدر : حرمت مؤبدہ ، حرمت موقته .

حرمت مؤبدہ بی موجب سببلر : قرابت نسبیہ ، رضاع ، مصاہرت در . ایشته اونجی ، اون برنجی ، اون ایکنجی ماده لر بو اوج سبیدن ناشی حرام اولان قادیلری کویترمکده در . آنجاق احکام فقہیہ مزده نظراً مصاہرت ، مقارنت مشروعه ایله ثابت اولدیغی کبی غیر مشروع مقارنتلر ایله ده تحقق ایدر . بناء علیه بر شخص کندی مزنیہ سنک قیزی آلاماز ، بو قیز کرک کندی مقارنتدن و کرک باشقه سنک مقارنتدن حاصل اولمش اولسون .

اون ایکنجی ماده ده ایسه مصاہرت سببیلہ نکاحی ممنوع اولان قادیلر درت صنفه حصر ایدلمش اولدیغندن غیر مشروع مقارنتلر سببیلہ حرمت مصاہرتک ثبوتی قبول ایدیلشمش اولیور . بناء علیه بولایجه به نظراً بر شخص ایچون کندی مزنیہ سنک قیزی ویا آناسی آلق قابل اولیور . ولوکه او قیز کندی مقارنتدن وجوده کلئر اولسون ، بالطبع بو قیزی کندی اوغلنده آلماسی ممکن اولیور .

بن کندی حسابمه بو طاشیدینم حیاته چوقدن اعلان نفرت وبلکه اونو بردقیقه اول افتایه مبارعت ایدردم . حتی ظن ایدرسهم ، چوق کیمسه لر بوخصوصده بکا تقدم ایدرلردی . ایشته بویله برذهاب باطله دوشولمه مک ایچوندرکه قرآن متادیا بزہ بیلنلرله بیلمه ینلر هیچ مساری اولورلرمی ؟ کوزسزلرله کوزیلر بربرینه بکزرلرمی ، دیبه صوروب طورییور . یعنی بزى انفس و آفاقه مد انظار تبعه حقایق اشیایی استقباطه وهرشیدن عبرت آلمه سوق ایدیور . او حالده قرآنک شو مسئله لر حقنده بالضروره اجمالاً خبر ویردیکی شیلرک تفصیلی کتاب طبیعتله کندی نسخه بدنمزدن آراشیدیرمق بزم عهده مزه ترتب ایتمکده در . حقیقی برمسلمان ایسهک ، بالخاصه مفصل بر فیزیولوژی ، مفصل بر بیولوژی ، درین بر پسیقولوژی و صاعلام بر علم اخلاق یا مقلممز لازمدر . علمی معناسیله هر بیلایاشمق دیمک ، الهه میقرو سقوپلر ، میزان الحراره لر و معیار کیمیویلرله سرائر اشیایی تفتیش ایتمک و یا خود قازمه و کوره کارله اعماق ارضی قازوب کیزله دکاری اسکی انسانلرله جنساری منقرض حیوانلرک بقایای عظامندن اسرار خلقتی کشفه چالیشمق دیمکدر . علمک بویله چالیشمالره دهافوق العاده احتیاجی وارددر . بحث ایتمدیکم مسئله لره تماس ایدن فرضیه لر هیچ بر وجهله قناعت بخش افکار اولاماشدر . آنا رحمنده کی یومورطه جقاردن بری ، نیجه نیجه فعالیت و مورونات ایله آشیلانیدینی وقت ، کندیسنده مکنوز اولان قدرت ناظمه او متکاتف حالاتی او قدر مرکب و او درجه مستعد تفکر بر شخص انسانی به ناصل تحویل ایده بیلور . رجا ایدرم ، بیلورسه کز بزده لطفاً سویله یکنز .

خایر اقدام ، بو حالا بر سر مطلقدر . دکل بو ، خسته لغک ، اختیار لغک اولومک سیر و جریان باطنیسی دخی بیولوژینک هنوز ال سورولمه مش اسرار ننددر . عجا « تفکر » نامی ویردی کمز افعوله حیاتیه ندر ؟ عجا ماده مک بر کومه قانیه و موقته سننده ظاهر اولان بو قدر واسع و منبسط بر قدرته نه معنایرملی ؟ بدایه مثلاً آفریقاده کی وحشی قبیله لره منسوب افرادده کورولدیکی کبی پک چوجو قچه شیلره اوزون مدتار حقیقت دیبه ایناندقدن صوکر ا رفته رفته بالانکشاف نهایت قابلیت استقصاییه سنی بالخاصه تجربه و استبصار مه تودلریله فوق الحد توسیع و تمیه ایتمش اولان قوه مفکره شیمدی کندی ذاتنک ده نه اولدیغنی دوشونمکه باشلامشدر ا بونکله بو ابر هر حالده ، انسانک بوشون کونا کون طبیعت ایچنده تصادف ایتمدیکی معمارک اک قاپالیسی مطلقاً ینه کندیسیدر . حتی معلوما تمز آرتدیجه ، بومعما دها قاپالی بر حاله کله جکدر . ایشته بو مغالطت درکه حالا بعض متفکرلری « هرشیده بر مصالحت ، بر حکمت و برغایه اولدیغنی » تصدیق خصوصنده ترده دوشورمکده در . هله پک مشهور « اصل الانواع origine des espèces »

عنوانی کتابک مؤلف نامداری « داروین » ک « عالمده لزومندن فضله اضطراب وار ! منم وقادر مطلق براللهک فرعون فاره لرینی طرطیلری بیکنه تعیش ایتمک و یا کدیبری صیجانلرله اوینامق ا وزره یاراندیغنه اینانام . کوزکده بر مقصد مخصوصه خلق ایدلمش اولدیغنی تسلیم ایچون بر ضرورت کوردم . « یولنده کی ملاحظه لرینی کوردیجه ابحار واقطار مختلفه عالمده اجرا ایتمدیکی او پک مهم تحقیقات علمیه سنه رغماً اونک شونتیجه یی چیقارماسنه پک تعجب ایدرم . اوکا اللهک کدیبری فاره لرله اوینامق ایچون یاراندیغنه اینانامنی عجا کیم تکلیف ایتمش ؟ واه زواللی یی نصیب صرفان علامه ۱۱ فقط بو کبی شاشتیجه ملاحظه لر ذهنمزی هیچ تشویش ایتمه سین ، بالعکس نظر تیعظ و انتباهمزی آچسین . مساعده ایدرسه کز پک مانوس بر مثال ایله ایضاح مقصد ایدیم : جییمده طاشیدینم و کونده برقاج دفعه چیقاروب باقدینم ساعت پک ایی بیلورم که بر صنعتکار اعمال ایتمشدر . بونک ایچنده کی انجه و نازک چرخلری بربرینه ترکیب ایدن وهیسنی برقاج قاپاق ایچنه قوبان اودر . او صنعتکار بوساعتی تعیین اوقات ایچون اعمال ایتمشدر . صنعتکارک بو مقصدنی بیلدیکنه ساعتک هرشینی شهادت ایتمکده در . کذلک او صنعتکار بنم استعمال ایتمدیکم ساعتدن ماعدا آلتون ، کوموشدن ، ففونندن دها یوزلرجه ساعت اعمال ایتمشدر . بوندن باشقه بعض ساعتاره باشقه مزیت و خدمت لرده ویرمشدر . مثلاً اونلردن بعضیاری یالکز کونک یکریمی درت ساعتی دکل ، کونک اسمنی ، آیک قاجی اولدیغنی صفحات قرله برابر کوستر . بعض ساعتاری یکریمی درت ساعت ایشله مک ایچون قوردیغنی حالده بعضیاری بر آی ، بر هفته ، بر سنه ایشله یه جک صورتده ترتیب ایلمشدر . فقط بچاره ساعتک هیچ برشیدن خبری بو قدر . انسانه کنتجه ، کرچه اونک ده یالغنده ، ایشله مکده ، ۴۰ ، ۵۰ ، ۶۰ ، ۷۰ سنه یاشامقده هیچ بر دخل و تأثیری یوقسه ده ، تماماً ساعت مشابه اولمادیغنده شبه یوقدر . حکیم شهر « ده قارت » ایسته دیکی قدر انسانی « او تومات » یعنی ذات الحرحه بر ما کنیه وارسین بکزه تسین . هر حالده انسان او ساعتلر کبی یخبر یاشامق ایسته میور . کندی صانعی ، اوزرنده کی محیر عقول ترتیبائی و مکلفیت و مأموریتی نه اولدیغنی ده آکلامق ایسته یور . ایشته معنای قرآنیسیله بصیر اولمق ایسته ینلر بو تحقیقاته موفق اولانلردر . فقط بیلیرز که بر معادله جبری یی بیک جمال بر آرایه کلسه وسنه لرجه اعمال فکر ایلسه لر حل ایده منزل . یالکز حل ایده منزل دکل ، او معادله نک پک مهم بر مسئله یی تضمن ایده بیله جکنه احتمال ویره منزل . بنابرین اونو آچدیرمق ایچون ریاضیونمزدن بر نادر ، بر حامد حسنی ، ویا بر سالم بولمق لازمدر . اوندن صوکراده اونلره اعتراض ایتمک دکل ، تسلیم اولمق لازمدر . بویله یالمازسه او رهبران حقیقتیه هیچ بر ضرر کز ، یالکز منکر و معاندلرک محرومیت

مسلمانوں پر پیغمبر لری طرفدن یاپیلان خوارق عاده دا اولان روایاتی بویوک بر اهمیتله تلقی ایتمزله. ذاتاً مسلمانلر آره سنده بوکجه حادثاتی یاپانلر آز دکلدلر. بوکجه آدملر روحلرینی تطهیر و تذکله ایله، ریاضت و مراقبه نفس ایله «کرامت» تسمیه اولونان بر قدرت روحانیه یی احراز ایدرلر. بو واسطه ایله شمس تبریک حضرت عیسی طرفدن یاپیلان ال بویوک معجزه یی، اولولری احیا معجزه سنی یاپدینی روایت اولونمقده در. بوندن باشقه اخیرا داربقایه ارتحال ایدن (وارث علی شاه) ده بو قوته مشابه بر قوته مالکدی.

حضرت محمد طرفدن تلقین اولونان عقیده توحید ایله شریعت الهیه موسویلردن یا خود خریستیانلردن اقتباس اولونما مشدر. یهودیلره کلتجه سید امیر علی دییورکه :

«موسویلرک کندی و طنلرنده ایکن، پیغمبر لری و مرشدلری آره لرنده بولونقلری حالده دفعات ایله بت پرستلکه سقوط ایتمه لرینه مؤدی اولان احوال، اونلری عرب بت پرستلکنی ده قبوله سوق ایتمشدر. بونلرک حضرت ابراهیمک الهیه اعتقاد ایتمکه برابر اونکده الوهیتی حقیقده مادی برطاقم تلقیاته صایدقلرندن کعبه ده حضرت ابراهیمی یاننده بر قوچله تمثیل ایدن بر هیکل بولوندرلردی. مع مافیله یهودیلر هیچ بر وقت حضرت محمد استادلقل ایتدکلرینی ادعا ایتمه مشدرلر. بو ادعای ایلری سورهنلر، موسویلره خریستیانلرک حضرت محمد استادلقل ایتدکلرینی سویله ییلر، خریستیانلردر. او حالده بو ادعا حقیقده (کیون) ک نه دیدیکینی کوره لم. موسی الیه دییورکه : «یدنجی عصرک خریستیانلری بر نوع بت پرستلکه سالک اولمشلردی اوزمان خریستیانلر برطاقم رسملره مبارک عدایتدکلری برطاقم اشیا به طاینینلردی. عرش الوهیت شهداء اولیا، ملائکه و سائر دن متشکل کشف بر ازدحام ایله قارا کلقلش مشدی. عربستانده کی خریستیانلر حضرت مریمی برآله عدا ایدرلردی. تثلیث عقیده سنک اسراری توحید باری اساسنه مناقضدر. تثلیث انسانه اوج اله کوسترییور و بر انسان اولان عیسانی اللهک اوغلی یاپیور. بونک اوزون اوزادی یه تأویلی آنجق بو عقیده یی قبول ایدنلری خوشنود ایده بیلیر. . . حال بوکه حضرت محمدک تلقین ایتدیکی عقیده، ایکی یوزلیک دن مبرادر. قرآن، وحدانیت الهیه نک ال شانلی برهانیدر»

اون درت عصر اولکی خریستیانلرک ویا موسویلرک عقیده سسیله دکل بو کونک درلو درلو تجددلره مظهر اولان هر هسانکی دینی مفکوره سی عجباً اسلامک الوهیت تلقیسنه یوکسله مشیدر؟ باقیکنز قرآن کریم ذات اجل و اعلا یی ناصل توصیف ایدیلور :

جناب حق کیزی آشکار هرشی بیلیر، رحمن و رحیمدر، ملک

و خسرانی دوام ایدر. قرآن متنوع سبیلره اورومجکدن، آریدن، قارنجهدن مثاللر کتیرییور. بونلردن آکلایور و بالتجربه بیلیورز که هر صنف مخلوق بر معین ایشله مشغول اولدینی کجه هبسی بقای نوعی ایچون مقتضی تدبیرلر اتخا ذنده قصور ایتیور و هیچ بریسی طبیعتک چیزدیکی یولدن چیقما یور. یالکنز انساندرکه طبیعته قارشى عصیان و مخالفته جرأت ایده بیلیور. آنجق طبیعت هیچ بر مخالفتی جزاسز بر اقاماز، طبیعت یالکنز کندی قانونلرینه رعایت ایدنلره ظهیر و خادم اولور. طبیعت بویله اولنجه، اونک فوقنده کی خالقکده وظائف مأموره سندن انحراف ایدنلره قارشى ناصل معامله ایده جکنی تعیین ایچون چوق دوشونمک لازم دکلدلر. والحاصل قلعه سی، قاپولری، بکچیلری، کوزجیلری، عسکرلری، مطبخی، فابریقه سی، آشچیسی، ماکنیستی، کیمیا کرى، فطوغرافچیسی، تلفونچیسی، سینه ماجیسی، محکمه سی و خاکمی. . اولان مملکت، وجود منک تأمین سلامت و ادامه استراحتی ایچون بوتون بومأمورلرک وظیفه لرینی اخلاص ایتمه دکن باشقه، او وظیفه لری سهلته ایفا ایتلرینه یاردیم ایتلی بز. حضرت قرآن بو خصوصده الکامین بر مرشد و دلیل مژدر.

اقشام : محمد علی عینی

معجزه محمدیه

۲

حضرت محمد ایران و یونان دولتلرینک شانلی کونلرینی کورمش، فقط کوچوک برکتیه تشکیل ایدن اصحابنه چوق کچمه دن بو دولتلرک اسلام حاکمیته سرفرور ایده جکنی تبشیر ایتمشدی. پیغمبر من، هیچ بر دقیقه جسارتی ضایع ایتدی. تضییقات و تجاوزاته اوغرادینی، دار و دیارینی ترکه مجبور قالدینی، آرقاداشلری مغلوب اولدینی، برده لی و بر سحر باز تلقی ایدیلرک کندیسيله استهزا اولوندینی، بر آرقاداشیله برلکده غاره التجاسی انساننده قانه صوصامش دشمنلرینک غدار آلرینه دوشمک تهلمکه سیله محاط اولدینی دقیقه لرده بیله جسارتی ذره قدر صارصیلما دی. پیغمبر من، اللهک اونکله برلکده اولدیغه قانعدی. حادثات ده او یله اولدیغنی اثبات ایتدی. قرآن کریمک عقیقه لرینی چوریریکز. اسلامک غلبه سیله انتشارینک تکرار بتکرار تبشیر اولوندیغنی کورورسکنز. نه قدرشایان حیرتدرکه هیچ بر دلیل تاریخی به استناد ایتمه یین برطاقم حادثاتی معجزه اوله رق قبول ایدن برطاقم آدملر هر بری تحقق ایدن بو تبشیراته قارشى شه لره دوشوریلر!

پیغمبر منزه ده بر طاقم خارق العاده حادثات عطف اولونمقده در. فقط حضرت محمد، خوارق عاداتی معیار حقیقت اوله رق قبول ایتدیکنندن